


A Monthly Christian Magazine

AN ORGAN OF THE ZOU PRESBYTERIAN CHURCH SYNOD

Khristian Tangkou

Vol. 54 || No. 04

April, 2018



Editor: Rev. Stephen Chinzathang

Synod Kumpuon: **"Pasian thuguh kem"** (I Korin 4:1)

Khristian Tangkou

Vol. No. 54 || Issue No. 04 || April, 2018

Editorial Board

Editor : Rev. Stephen Chinzathang - 9863042789
ct_stephen@yahoo.com

Joint Editor : Rev. Khamchinkhai - 8730933744

Cir. Manager : Upa Jamsianmung - 9862086615
sianmung@rediffmail.com

Bus. Manager : Upa Kamgenpau - 8974612937
Shie T. Ginzahau - 8974438842

Cont. Editors : Upa Khupsuankham - 9856406454
Rev. Awnkhankhup - 9862828921
Rev. Dr. Hangpi Maunlun - 9862910875
Rev. Kaimuanlal - 9862923960

ZOU SYNOD ULIENTE

- **Moderator:**
Rev. Awnkhankhup
- **Moderator Elect:**
Rev. Dr. Hangpi Maunlun
- **Secretary (Sr):**
Upa Er. Thangchinmang
- **Secretary (Jr):**
Upa Liensuonkap
- **Treasurer:**
Upa Chinsuanthang
- **Statistician:**
Upa Khaihenthang
- **Executive Secretaries:**
Rev. Stephen Chinzathang
Rev. Khamchinkhai

A sung thu

- Editorial..... 01
- Thu tuomtuom 03
- Report 05
- Pastor-te Bonus 08
- Mi kiliensahte 13
- Pasian gam nasepna ah 17
- Khochin sum sundan..... 19
- Ka lawsam der uh..... 20
- ZPWF Revival Camp Report 23
- ZPWF Cumlumn 24

Copies - 1100

AMAN

Kumkhat ah	- ₹	100.00
Post ah	- ₹	200.00
Copy khat ah	- ₹	10.00
Life Member Fee	- ₹	1,000.00
Patron Member Fee	- ₹	2,000.00
Memorial gift	- ₹	2,000.00

Thusuo zosie Editor leh Zou Synod ngaidan ahi kimsih a, a suotute'n maw a kipuoh chiet ding uhi.

Thusuo dingte Editor kung a pieh ding ahi.



Editorial

MIHING LUNGTANG LUI BEI LOU

Khristian tangkou simtu zousie Mangpa Jesu min toh chibai hoitah ka hing buh hi.

Kum 2018 a ding in ei gingtute ading hun poimaw tah Palm Sunday, Good Friday leh Ester Sunday te hing tungta hi.

Kum tamtah tami Khristian (gingtute) a ding a ni poimaw tahte ang tung zel hi. Ahin tami hun te ei a ding in bangzatah a manpha a thei ahiei chi ngaituo zel lei ahoi ding hi. Khristian tamtah ten tami hun te pen ngaina bang mai in ingaituo khah zel ding uh zauhuoi kasa hi. Tami hun poimawte pen eiten Manpha tah a i theisiem lou uleh mihing lungtang lui bei nai lou china ahi ding hi.

Koizong Mangpa Jesu Khrist kipumpiehna thute a theizoulou chieng leh ama mihing hina ah siem in pil in bawlthei in semdoh leh zong tuakhu a thawn ahiding hi. Laisiengthou in Mangpa Mangpa hing chi ta pouma Vangam a lut sih ding achi bang in tamte ah mihing lui hina a kilang ding ahiman in pan lachiet va ui. Mangpa Jesu shina in eite a ding in zalenna lien penpen ahing peta a tualeh Pa Pasian in eite a ding in lungsietna lienpen ahing pedoh hi, tua ahina ah eite koitobang in mihing lui hina lungtanginei nai uleh a lawsam ihi ding uhi.

Mangpa Jesu in Pasian ahina hing ki ong tangsah in mihing in ahingpieng hi, ahin khovel ah eiten Pasian a ding in iki ong tangsah ngamsih ua zong Pasian lungtang nei in Pasian bie in ama nasep

sep bangkhai, bawl un, zui un, achite ibawl ngam sih uhi. Tuaziehin semthei bawlthei in kingai nan lei zong mihing hidan lei bang a i um ngap ua ahileh Pasian ta hilou amai mai a Pasian thei a thupieh te zui ngamlou a sem ding a ahing thupiehte semdoh theilou ihi ding uhi.

Mangpa Jesu Khrist ahi leh Missionary masapen zong ahi chi in zong i koi khiel sih ding. Tua ahitah leh Pasian ta nahina ah Pasian Hattuum sung a mi manpha khat na hina ah nangma na ki thei chieng nai le? Sepna, mawpuoh na lienpi Mangpa'n ahing guon zouta hi, ahinna mihinglui toh Pasian na nasep zieh a lawching lou nama ahisih leh malam not theilou ama, Bang ahiei nang ahing dal na lai, na sanggam pa mittang a singthem mu a nangma mit a singtum ahing dal khu ladoh ngamlou nama Mangpa Jesu in Singlamte (Cross) ah a bon in a pedoh sieng a bangma khat zong a khet sih hi. Tuaziehin mihinglui lungtang nei na lai na Pasian theina hina lai leh Thomas bang na hia, Juda Iskariot bang in Jesu na zuoh ding a, Peter bangin nataisan ding hi. Tuabang ihi nawnlou na ding un Jesu shina hankhu ong sung ah na mihing lui pen vui in len thoukia Mangpan ahing hutdam tah mabang in na mihinglui pen paikhia in Jesu Khrist nuazui in kipan thah tan Good Friday leh Easter Sunday chibai na unpi un kangbuh hi.

Mangpa'n thupina tang taken.

.....

Theisahna

Laymen Basic Theological School 1st Batch 2017 a kipan khu kum khat a chin tah toh kituoh in 2018 May a zaw ding ahita a, 2nd Batch a ding a lunglutna neitan tam anei a bang a ngaiven thei ahi.

Min khum hun : April 10-30, 2018

Min khum man : ₹ 100 (Mi khat ah)

Class pat hun : May 24, 2018

Thu tuomtuom leh Thumpi dingte



1. Pasian hoina leh mapuina toh aha lina tan meel muthei dinga ahing mapuitu Mangpa min loupi phatkawm in thupina zousie Ama ipe masa uhi.
2. Synod Year Planner umsabang in April 01, 2018 nipen Hattuumte nipoimaw mama (Easter Sunday)
3. Apeisa March 22nd-23rd, 2018 niin MGP Golden Jubilee Hall ah Upa Camp lohtah leh lawchingtahin kizang zouta. Thupi: “Pasian thuguh kem” (I Kor. 4:1) Resource person: Rev. C. Zorammawia Partnership Consultant leh Upa Dr. Paulunmang Mizoram Synod & Manipur Area.
4. Pasian hoina leh kepna muongkawm in ahingtung ding 3rd-6th May 2018 chieng in Fiangpui Presbyterian Church Halflong ah PYF 43rd, Biennial General Assembly Conference um ding ahia, bang hun ah zong thumna toh bawzui in panpi chiet vaui.
5. **NEICC Khawmpi:** Pasian hoina leh mapuina muongkawm in ang tung ding May 17th-20th sung in New Nongstoin Presbyterian Church KJP Synod Sepngi ah a (78) vei Session Khawmpi North East India Christian Council (NEICC)te intehna toh zang ding uhi. Theme: “Christ the living hope” (I Pet. 1:3). Ahun, amun leh Programme tangpi inichin thumna ua thei chiet vaui. Tualeh Rev. Stephen Chinzathang Sr. Executive Secretary in zong Vice President hina toh inaugural message pedinghi.

6. Kumtha a ding ihina toh Zou Synod huong sung a Mission School a sem Sangsyete leh Sangnaupangte etkawlna a tahpan a ang gasuo chietna ding un mihing nasem mai hilou a Pasian nna sem ihilam thei ciet vaui. Mangpa'n innsung chidamna toh hing umpi chiet taken...!
7. **Thumsahna:** Rev. Retd. H. Nengzatun Missionary Varanasi Pasian in Ami siengthoute thumna leh ama ngetna hing dawngin. Mangpa'n gingtha (New believers) Baptisma bawl ding 100 (zakhat) hing pie in achi lai in Mangpa 'n tutan in gingtha 103 bang Baptisma tangsah ta hi. Mangpa'n a sepsate leh ang sep tou zel dingte ziehin thupina zousie tang taken...! Pasian ind amna leh hunpha apieh kinem in ima naw May hasung inn hing pei ding a thumpi chiet vaui.
8. Mission & Evangelism Committee in Mission Guide Line ipom khat utoh kituohin Mangjing Mission Field a sem ding in Mr. N. Priyo Kumar of Mayang Imphal, April 2018 to April 2019 tan sem ding kilata, thumpi vai
9. Pasian hoina leh mapuina lam etna lienpi toh ZPC Delhi. in "7th Anniversary Day" man sawm uhi. Ahun 13th May 2018. Speaker: Rev. Awnkhankhup Moderator (ZPCS) Programme lawchingtah leh lohtaha azah theina ding un Hattuum leh mimal chin in inichin thumna uah bawzui chiet va ui.
10. Mangpan ami siengthoute thumna hing dawng touzelin siemjilna lam ah tukum class X & XII Manipur Board leh Central Board ate exam lawchingtah leh siengthou taha ang zaw theita zieh un thumsahtute kung leh Pasian kungah lungdamthu igen uhi. Maban lawchinna pen Pasian khut a um ahi.
11. PCI Khawmpi Date 2-6 May 2018 sung Fiangpui, Halflong 43rd of the Biennial General Assembly Bieteram Synod ah um ding ahia, i thumna uah thei chiet vaui.

12. Presbyterian Church of India, Muollum LCC Session thupuosah dungzui in Pasian ni chin in “Tunnu Limbel” a naupangte etkawlna ding ngap leh phal zaza kitawi khawmzing in hatawp chiengin ZPCS Office ah ki submit zelzel hi. Tambang chin dan hoi khu local dangten zong bawlthei chiet lei i Tunnu Limbel a nau taga i chawmte ua ding in income hoitah ahi zong ilam en uhi.

.....

Reports

TUIVAI DISTRICT (ZTP) SEMINAR REPORT, 2018

Pasian mapuina zal in Tuivai District Session thuphasah No.1 (one) Day Seminar nei ding District 1st Standing Committee mawpuohna akoi bang in committee in tam bang in ani leh amun ding ki guot hi. Amun Behiangzang P. Church ahun 1st March 2018 nitah a tunkim a 2nd March 2018 nitah tan man ding a phasah ahi.

Seminar Paper ladingte:

1. Rev. Dr. Hangpi Manlun, Presbyterian Doctrine.
2. Rev. Khupkhansuan, Khristian Leadership kiman dan tangpi Tunkim ni tah in District Chairman Secretary mapuina toh Biehinn kai na nei ahia, Upa Vungkhanpau LCC Chairman in Seminar hun nuomtah a man ahi theina ding in Pasian kung a aap in thumna in ahong a tuazou in Rev. Khupkhansuan in Isai 38:1-2 sim in Pasian thutah genna nei in na innsung na siem tup tai chi in mite lung sung khawi in a chou mama a ki lungtai chiet in Chairman in topna a siemta hi.

Apini dated 2/3/2018 ZIltawp ni zingkal 09:45am in District Chairman chielna bang in Upa Liankhanmang in thumna nei in 1st Seminar Paper Rev. Dr. Hangpi Manlun in Doctrine Martin Luther apat Presbyterian Hattuum ang piendan leh pawl dangdang te ang pien khiet dan chieng tahin ang hil chien sitset a, mipi angai khie zousie in nuomsa in biltaitah in ki ngaikhie in Presbyterian Hattuum a ka um khah ka vangpha hi, ka umkha na hi chi in Rev. Dr. inei uh manpha hina mai e maw ki chichiet vawt hi. 12:00 noon a hitoh kituoh in singpi donna kihuha ahi.

2nd Paper: Rev. Khupkhansuan Topic: Khristian Leadership bang ahia, Koi te Leadership kichi ahia, bang taw bang te lamkai hoi, mawpuohna zou chi in nounel tah in theisiem huoitah mai in ang hil a Chairman mani thulou thusaloute Chairperson hina kiletsahpi te Leader, amawpuoh na theiloute chientah in ang hil ditdet a nuom kisa mama hi. Lamkai khat nahi ngal a leh mi etton ding nahi kithei inlen na umdan ah pilvang in chi leh thusie leh buoina aum chieng in na mite lah ah thu laisat thu lai khensiem in chite dahkal 3 thumsung ang hil a, 4:00pm ahitoh kituohin Rev. Khupkhansuan in ahun zouin Chairman chielna bangin Upa Pumlal Behiang Hill in Seminar zaw na leh annkuon latna thumna nei in annkuong ki-im khawm hi.

Date 2/3/2018 Atawp nitah Biehkikhop na kinei in Chairman/ Secretary in mapui in Rev. Dr. Hangpi Manlun in Pasian thutah a gen na nei in mi 87 in thu ngaikhawm in dahkal 1:20 minute agen a koima i mutsuoh umlou in nuom tahin akingai hi. Tuachin topna ding in Secretary in puon dingte apuonzou in la No. 258 Jesu itna hoi sengsang e chi kisa in Upa Ginkhannang Hiangtamjang in tawpna Seminar khahna thumna leh guolzawl na gen in Programme zaw ahita.

Kipahthu genna: Tuivai District Seminar Mangpan hing mapui in Upa leh LCC, PWF leh PYF te telkim chiet ding a chielna aki bawl bang a Upa 13 PWF 17, LCC 18 leh PYF 14 agawm in mi 62 in

Seminar kimang thei hi. Mangpa minphat in umta hen. Tunkimni apat Common Mess hing saissai Local Hattuum te ban ah asaitu gim leh tawl khohsa lou Pa Mangthang leh alawite tung ah District min in kipah thu igen uhi. Tua leh thupi pansan a Seminar Paper ang bawlpi ban uah Biehinn kai top teng a houlimna a thasit loukei a pan ang lahpina tung uah, Speaker tegel tung ah kipahthu igen sawnsawn hi.

Kupnuam: Seminar a, i thuzil te leh i thuzachte theisiem a zui thei a imawpuohna uh thei siem chiet dingin mimal khat chiet theisiemna Mangpan hing pe chietta hen.

- Report petu:
Pa Lianchinthang
Secretary, Tuivai Dist.
Dt. 5th March 2018.

.....

ZOTANG DISTRICT LEADERSHIP SEMINAR

1. Apeisa dated 9-11, March 2018 sung in Zotang District Leadership Seminar Muollum Biehinn ah lawching tahin anei uhi. Tami Seminar ah Bieltu Pastor Rev. Dr. Hangpi Manlun Seminar Paper tuomtuom guh zilsah hi. **Tuate:**
 - a) Pasian biehpawimawna leh pui ding dan.
 - b) Pasian thugen dingdan (Homelitic)
 - c) Committee puihuoi ding dan.
 - d) Pasian kung a silpieh dingdan.
 - e) Koppi sui dingdan.
 - f) Nu-le-pa dinmun leh mawpuohna te ahi uhi.

.....

I GAM UA PASTOR-TE 'BONUS'

Rev. Dr. Hangpi Manlun

0). Thumapui:

Khawvel ah sepna-le-nehsuina chi tuomtuom a um chiet a, Pastor nnasepna zong Manggam nnasepna loupitah khat ahi hi. Tualeh, solkal nnasemte khun hun chin leh kum chinin, a law (pay)-te ban uah,' bonus' amuleng ua, a khente ngelin, kum khat sung in, nivei bang amuthei uhi. Ahin, i gam ua Pastor-ten vang a law-le-paite ban uah 'bonus' huchidan in amusih uhi. Tuanah sangin demna-le- hawmthawna a mite uh a, kipatin 'bonus in' a lemu zawsop uhi. Tuaziehin, tam a nuoi a thute khu 'Richard De Haan' in Pastor-te midangten a mudan u'leh a demnate uh chi ana gente banah, 'Gospel Tangkou,' Published by 'Manipur Evangelical Lutheran Church,' April & May, 2015, issue, apat leh keima ngelzong i gam ua Manggam nna kasep kum sawmni-le-nga (25)-sung vingveng a, kasiltuohte apat ahi hi. Tamna, mite demnate khu i gam ua Pastor-te a ding ua, a 'Bonus' mute uh ahimai hi. Tuate sui va-ui:

- 1). Pastor khu a naupan seng leh lah naupangta lua, experience zong kivatva a chi ua, a upat a sam a kan leh lah teehtalua, khanglaite lah a nnasem ding in zong kilawm non sih a chi kia uhi.
- 2). Pastor khu amel hoi sim leh lah Pastor din melhoi seng palahin khemna tuohtamva, amelsiet sim leh Pastor din melsie seng maingap um maw seng a chi uhi.
- 3). Pasion guolzawlina tang a ta-le-nau a hau leh lah, gintat sang in ta hau seng bang toh avahsawm e, taa a nei sih-le-lah ettawn tah sih Pasion guolzawlina tang sih a chi zel uhi.
- 4). A zi khu a melhoi sim leh Pastor ziding in melhoi seng palah va, a melsiet sim leh lah Pastor nu ding in melsia seng maingap um sih achi kia zel uhi.

- 5). A zi a kamsiem leh lah kikamsiemsah salsal ve aw, a kamtom leh lah Pastor nu din kamsiem maw seng, a pasal nnasepna panpithei sihva a chi kia uhi.
- 6). Sermon gelsa enkawm a thu agen leh lah gaw seng, Pasian Hagau pawlna tanglou leh Pasian apat hisih va a chi ua, gelsa umlou a gen leh lah Hagau thopna tang bang in kisuhlar sawm a chi kia zel uhi.
- 7). Pasian thusimna ding leh kisingisahna ding a hun azah tam leh lah, hattuom member-te angaisah man sih achi zel uhi. Hattuom ve leh innte tuon a hunte a zahtam leh lah vah tam seng, a nnasepna ding in hun a nei tamlou hiva a chi kia zel uhi.
- 8). Hattuom sung a member genthei leh zawngte angaisah leh lah mite ngaisan dei mi ahi maimai ve maw, ahin mi hausa-le-nei zoute angaisah leh lah amaute lah a maipha sui leh tui tum sawm ahiban ah, migentheite ngainep leh ngaisah lou a chi kia zel uhi.
- 9). Amite ve a vahkoikoi leh lah bawlding neilou a gen ding sui a vah hiva a chi ua, vahlou a tou den leh lah tawgih seng mite ngaisahlou inn a pum um maimai a chi zel uhi.
- 10). Khelna haw mi leh ngaithei lou mi ahileh lah mi khel leh kisiengthousah mi ahi vemaw, ahin, khelnate a ngainep leh lah asil tuoh bangzel a um thei maimai mi ahi a chi kia zel uhi.
- 11). Hattuom khantouna dingte avei a gen a committee a puohlut leh lah-kithuneisah leh dictator tah a, ang vaihawm khumsawm leh puohgih hing guon achi uhi. Tuate, gen na chang a theisih leh lah mimawl leh vision nei lou a chi kia zel uhi.
- 12). A thugente genchetna ding a etsahna/gentena tuomtuomte ahazah leh

- lah Bible angainep hi va gentena gen tam seng a chi ua, etsahna pieh ding a thei kiasih leh lah a thugen sawm ah ama zong a chieng sih achi kia uhi,
- 13). Thudih kisumlou kei a a gen gopgop leh lah mizah da ding zong ngaitua vateh lou mi hiva achi ua, thudihtah a gen ngam kia sih leh lah mi nadan maimai hiva a chi kia uhi.
 - 14). Pasion thu (sermon) dah kal khat ding vel a gen leh lah hun zah dan zong siemlou, tawmnou khat a gen kia leh lah mi thasie mama leh gen ding zong thei sih a kichi kia uhi.
 - 15). Miteng a lungkim sah zou sih leh lah hattuum haatsah leh suhal zou lou a chi kia uhi. Miteng a lungkim sah sawm leh lah, hina mumal nei lou leh mite maipha enpa a chi uhi.
 - 16). Thudih a gen leh lah midem hatpa, a gen sih leh lah mimaipha leh mi kivengpa a chi kia zel uhi.
 - 17). Sawm-a-khat leh silpieh lam thu a hagen leh lah, ama lawding leh hamphatna ding maimai gen, agen ngai kia sih leh lah hattuumte sum-le-pai a, amasawanna ding uh angaisah sih a chi kia zel uhi.
 - 18). Ama maimai in thu a gen zing leh lah hattuumten aning zel uh a, thu gen ding a midangte ahat zing leh lah amawpuohna pumpel sawm a midang a kingah sawm achi kia zel uhi.
 - 19). Alaw (pay) atam leh lah law-le-pai deina zieh mai a sem ahidan alang chieng hi achi kia ua, alaw atawm leh lah a nnasep toh kituoh a alaw amu ahi lel hi achi kia uhi.
 - 20). Biel tuon lou a local a hun ahazah leh lah, a bielte ngaisahlou, biel ahatot sim leh lah a localte ngaisahlou a chi kia zel uhi.
 - 21). Thugen ding a program a hanei leh lah, kipopular sah a chi ua, thugen ding

- a mite chielna amusih leh
lah hagau mi lou leh koima
deiloupa achi zel uhi.
- 22). A innkuonte a etkaw
zou lou leh lah innsung
zouloupa, a innsung
abuoipi leh lah ama
innsung maimai buoipi pa
achi zel uhi.
- 23). A innsung khawsah
anopsah deu u'leh kavahsa
uh a chi ua, agenthei deu
u'leh lah simmaw huoi leh
bangchita lawm ading uoi
a chi kia uhi.
- 24). Atate mun dang a college
a kaisah leh lah alaw a
tomtom toh muna dang
khat neidap hiven achi ua,
atate a chawmzou sih leh
lah tate chawmzou loupa
achi kia zel uhi.
- 25). Sum ahazah sim leh
hattuom sum negu hiva a
chimoh ua, zahding aneish
leh lah ginna tawmpa leh
Pasian guolzawl na tanglou
hiva achi kia uhi.
- 26). A kichei sim leh lah a
law tomtom toh a kichei
zing phuotin, kicheilou a
um leh lah Pastor ding in
thingseng zumpi huoi a chi
kia uhi.
- 27). Khawvel silte a kihazahdeu
leh lah Pastor din khawvel
ngaina, akihazah sih leh
lah kituom koi seng a chi
uhi.
- 28). Akamtam leh lah Pastor
din kamtam seng mi
kisumzou lou leh gending
genlou ding theiloupa a
chi ua, a kamtom leh lah
Pastor din kamtawm seng
maingap um sih a chi uhi.
- 29). Akingai ngiem leh lah mi
zatat thei ding a um lou,
zatat thei ding a um leh
lah nelhuoi lou a chi kia
zel uhi.
- 30). Asiem a ahuongphal
leh lah, anei lou lam
kitheilou, akiphal sih leh
lah michippa leh vetpa a
chi kia uhi.
- 31). Lekha asiem sim leh lah
Pastor din laisiem seng
bang a zah lel ding e,
asiemlou, a mawl leh lah

Pastor din mawl seng tulai
hun a din zahtah sih achi
kia zel uhi.

ahiding mong a lel vele,
achite leh adangdang
tamtah gen ding aum lai
ding hi.

32). Sum-le-pai a neisim leh
Pastor din sum hauseng
khawvel ngaina mi khat ahi
ve a chi ua, a zawn leh lah
Pasian guolzawlina tangtah
lou hiven a zawndan mai
khu a chi zel uhi

33). Committee/Meeting na
a hamtam/dintam leh lah
semtu ding in gentam/
dingtam seng a kichi a,
agen lou a din sih leh lah
vaihawmna a gen ding
theilou leh agenda-te
manphalou a chi zel uhi.

34). Tahsa dam mawna anei
a, ta-le-naute a, a lawsap
u'leh lah Pastor gina lou
leh ginna a pa zawngkhal
leh lawsampa ahi ve maw
a chi uhi.

35). A dammaw ua a veisiet
sim uh leh Pasian
gawtna tang hiven achi
ua, adamthei sim u'leh
lah Pasian nnasem hiven

Thukhumsin:

Awle a tunga i gentengpi khu
Pastor-ten amipite lah ua pat a,
demna-le-hawmthawna kamteng
azah zingte uh ahi. Tamna, i gen
nuom pen khu tam tengpi khu na
*Pastor-pa uh Pastor in panglou
a, nnadang sem hileh tamna
'bonus' chi-a i gen tengpi uh
amusih ding uhi.* Tami a kipatin,
Pastorte nnasep khu nna hamsa
ahidan i muthei uhi. Tuaziehin, i
Pastor-te khu demdem mai louin,
i demna kamteng a i zah tengpi uh
khu i thumpina uh kamteng hizaw
leh amaute zong tusangin, tahsa-
le-hagau ah ang hat zaw ding uhi.
Tuaziehin, Israel-ten, gal a dou
laiua, *Mosi khut/bankham Aron
leh Hur-ten a doppi ua gal azaw
bangun,* i Pastor-te uh khut kham
leh basam dingte khu agensie
leh demtu a pangmailou in,
amaute hatlounate sawmdawltu
leh suhattu hiding in Mangpan
hing guolzawlta hen.!!!

MI KILIENSAHTE PASIAN IN ADOU HI

(God Resist the Proud)

I Peter:5-7

- Upa Khupsuankham
LDCC Hiangzou

Thumapui: I hausatnate jieh, ipil jieh, isiem jieh, ibawlthei jieh, itha hat jieh, ilal jieh leh thupi jieh leh imelhoinate jieh a kiliensah i um khamai thei ua, tuabang a umte pen Pasian in adou hi chi thupi leh itangtel uh ahi toh kiton in saulou houlim vai:

Lucifer khu Van tuntou, Satan tapa, Phalva tapa, Jinglam tapa zong kichi hi. Pasian in Lucifer kungah, bang chidan a vanpan a hing kumsuh natai? Namchin suzawng khalpa bang achileh lei lah a satkhiehsuh a um nahiei? Na lungtang in Van ah ka katou ding a Pasian Alsie tung ah ka mangtouna ka domsang ding a maltawp a kikhopna muol ah katou ding hi, nachi hi. Tambang lieng in Belamnou leengkhu akiliensah a meilum sangpente tung ah kakaltou ding a, tungnungpen bang in ka umding hi, nachi vielsan hi. Hinanleh shi-awl kokhuh thupi tawp a puisuh a umding nahi, ang mu jousie in ahing ensuh ding ua, tanpa himaw leitung suliingpa leenggam zousie kiliing

sahpa, ang chiding uhi. Lengte khu ashi chieng ua, haan ah thupitah a vui ahi zel a, **“Nang nahileh tuabanga vui nahisih ding a, naluong khu nauseen shi bang in leitung ah pai in na umding a, mite totchil in na umding hi”**, achi hi. **“Lucifer akiletsah a, akitheisah jiehin Pasian in ahina zousie lakhie in bangmalou in a koi”** chi ang theisah hi.

Philistin mite leh Isreal mite kidou ding in a gaalkapte uh akaikhawm ua, giehphuol (camp) asat ua, muoltung khat tuoh ah panmun khaw in alai uah Phaijang khat a um hi. Philistinte lah a mikhat “Goliatha” asaanlam tong guh leh khaap khat, ahing pawtdoh a, Aman sum-eng lukhu

akhu a, sum-eng awmphaw asil a, tualeh a awmphaw gihdan sekel tulnga ahi. Angaltah ah sum-eng ngaltuomna abul a, tualeh aliengkou tegel kikal ah sum-eng teipi apuo hi. A theipibul khu siemkal bang ahia, tuaban ah aphaw popa ama sang ah apei hi. Tuachin ang pawt a, Israel galkap, Israel galkapte lam nga in akikou vapom a, akung uah, bang ding a kidou ding a hing kiguoldim phuot nahi uoi? Mikhat hing teldoh unlen kakisuol ding, ken kazaw leh kasuoh in na umding ua, aman angzaw leh noute suoh in ka pangding ua, na nna uh kasem ding uh”, chin Philistin mipan Isreal galkapte nasatah n kang toh hi achi leh Israel galkapte leh Saul alungkiehlaw uhi.

David agiehphuol uh ang tun in, Israel leh Philistin galkapte kikaptuo ding in alang alang ah akiguoldim ua, aki maituota uhi. A mihatpa uh Goliatha ang pawt doh a, a gen ngaingai ma agen kia a, David in khumkhu ajah in Saul kung ah koima lungke sih un keima ka va kuon ding a, kava kisuolpi ding, achia, Saulin nang pen vakuonda mai in khangdawng naupang nalai na

hia ama pen aneo apat a galsat mi ahi, achi a, David in Saul kung ah “Kei na suoh in ka belamte ka chin lai in, Humpi bahkai ahei Vompi ahei ang pei a, Belamte ataw mang chieng un abahkaite ah kaman a, ka that jel hi.

Tuachiin vakuon tavele Mangpa na kung ah umta heh, achi hi. Saul in agalthuomte asil sah a akuon leh apei theita sih a, ajieh pen galthuom akivon ngailou jieh ahi. David in agalthuom silte asutkhie a, akuon a chieng khat atoi a, lui ah suongtang jol kil kel nga atawm a, Belam chinna thungpi sung ah aguong in Philistin mihatpa ava zuon ta a, “**Goliatha**” khu adah kawikawi a David khu tangval guolnou melhoi naupang ahi jiehin asimlawta hi. Goliatha in David kung ah “Kei khu ui kamah? Chiengkang tawi a kakung a nang pei phuot? Chin apasien min lou in David ahamsietta hi”. “Goliatha” in David kung ah hing pei in nasa tung a leeng vasate leh gamsate kanesah ding hi achi hi. “David in nang khu galvan thupi toh nang kuon, keipen galkapte Mangpa Israel galkapte Pasian na tawhpa min in kangkuon a,

Mangpan nang khu ka khut ah ang peding, kang satlia ding a, na lu katan ding a, Philistine galkap luongte khu tungleng vasate leh gamsate ka nesah ding hi. Tuachiin leitung a mi um zousien Israel lah a Pasian aum chi ang thei ding uhi. “David in a Belam chin na athungpi sunga suongtang khat ala a, Saili toh akap leh Goliathah talpang akha a, atalpang ah asuongtang alut a, khupboh in tuol ah akilia helhul ta hi. David in adelphei a Philistin mihatpa Goliathah tungah ading a Goliathah namsau asat doh a, alu atansah tahi. Philistin galkapten amihatpa uh ashita chi amu tahun ataizah ta uhi. Tuachin David in Goliathah lu Jerusalem ah apeipita hi.

“David tangvalnou in Goliathah bang achi leh atha zou e, ichi leh Pasian akung a aumjiej ahia, thahat nate jiehh a akiletsah ua, Pasian ni lam a apan sih leh bangma lou ahi” chi ang theisah hi.

Nebukadnezzar Babulon leeng khu mithupi leh silbawl thei ahijiehin akiliensah ahi. Nikhat khu leeng inpi sungah ava

kawikawi lai in; Kiliensahtah in athal ham a, “Tam Babulon thupitah khu leenggam innpi ding a kasil bawltheina ka thahatna leh ka thupina zatatna kilahna ding a kalam ahi chi akiletsahpi hi (Dan. 4:30).

Hinanleh kiliensahte douzelleng Pasian in adouta a van apat in aw khat hing suoh a “Aw leengpa Nebukadnezzar na kung ah na kung tung thu akigen hi. Leenggam khu nang apatin apei mangta a, nagam khu na tan ding a, nang khu mihing apat nawsuo nahita ding a, gamsate lah ah na khosata ding a, bawngtal bangin hampa naneta ding a, tungnung sangpen in mihingte leenggam tungah vaihawm a, aut ut kung ah apezelleng chi khu nathei ding hi (Dan. 4:31).

Van pan a thu kigen khu Nebukadnezzar tungah atung ta a, amapen mihingte lah akipat delmang in aumta a, bawngtal bangin hampa aneta hi. Asamte muvanlai mul ahing bah a, akhut leh akeng chinte zong vasa chin ahing bah masangsie van daitui in apumtuomta hi. Akiletsah jiehh a atan silte jiehh in alungsiet huoi hi.

Kumpi Nebukadnezzar avangpha a, vanlam en in a tung ding kiata hi (Dan. 4:33-36).

“I thupina ilalna leh ibawltheinate jieh in i kiletsahpi khah a ahileh Pasian kung ah ngaidam ingen ding ua, tuachin Mangpan ang tungding kia ding” chi ang theisah hi.

Haman khu Agagmi, Hemodala tapa ahia, leeng Ahasuer khawnbawl upa (Cabinet) khat ahia, leengpan akaisang sah (Promotion) a lal leh lien kisa in akilendah hi. Nikhat leeng inn ahaw in miten khupboh in chibai abuh chiet ua, Judami Mordekai in abuh nuomlou jieh in Mordekai khu amuda a, Juda mizousie thagam sieng ding achi thu Mordekai in athei tah in Leengnu Esther kung ah report abawl a, tuachin leengpan Judate vengbet dan ding angaisut a, Leengpa leh Haman khu a ann nehpi ding achiel a, leengpan ann nehpi ding a Haman achiel leh akiliensah semsem a, leengnu hiel in leengpa leh kei chau ann neding a ang chiel achi hi (Esther 5:12). A huot mama Mordekai khailupna ding zong

tong sawmnga a sang kem khu bawl zousa in akoi hi.

Haman kiletsahnate khu, ahausat dante leh athupi dante a tapa neitam dante leengpan lam tuomtuom a pahtawinate leh milien leh vaihawmte tung a akaisang (Promotion) amudante khu akisielna nei in aki-awtsahpi hi. Leengnu Esther nangawn in zong annkuong luina achiel sih hi, chite khu akiletsahpите ahi. Leengpan Haman kung ah, Leengpa’n a pahtawi utte tung ah bang kichi bawl leh ahoi diei? Chiin Haman adong a Haman in kei lah hita valon vang in chiin “Leeng in apahtawi nuom mite khu leengpan asil ngel leengpan asil ngel leeng puontuol leh leengpa touna sakol leh alutung a akhuh zel Leeng lukhu khusah henlen tam puontuol leh sakol khu leengpa milien zatat huoi pente lah a khat in leengpan apahtawi nuom mi khu silsah henlen, tua sakol tung ah kituongsah henlen i khopi gawljing teng zui in kizawpi henlen amasang ah, Leengpan a pahtawi nuom mi tung ah tambang in kibawl ding hi”. Chiin kiphuong malam zel leh achi ahi.

Leengpan Haman kung ah “Kintah in pei inlen, nagen bangbang in leeng puontuol leh sakol vala inlen, lengpa kotphung a Judami Mordekai tung ah vabawl tan, nagensate khu khat zong manghil sin”. achi hi. Tuachin Haman in leeng puontuol leh sakol avala a, leengpa puontuol Mordekai asilsah a, Sakol tung a tuong in khopi gawljing teng ah akaikawikawi a, “Leengpa apahtawi nuom mi khu tambang a kibawl ahi”, chin apuong malam zel hi.

Tuabep in Mordekai pen Leengpa inn kotpi ah akinuole a, Haman khu maimuol tah in alu kikhuh in a inn ah apeita hi. Leengpa Ahasuer in Leengnu Esther leh Judamite Mordekai kung ah “En in Haman inn khu leengnu Esther kung ah ka peta a, Judate tung a khut ahah jiehi in Mordekai khailupna ding a tong sawmnga a sang a kem adawna ah, Haman khu khailup ahita”, achi hi. ***“Haman a kithupisah a, akiletsah leh aki-otsah jiehin Mordekai khailupna ding a akem bawl ah akikhailumta hi”***. Thupil in ***“Mi shina ding ibawl leh eima kishi”*** chi ang theisah hi.

.....

PASIAN GAM NASEP NA AH SUONLAM DING SUISUI SIH VAUI

(Luk 14).

*By- Upa Gouchinlal
Thingangphai.*

I Mangpa Jesu Khrist Mou puina annkuong um ding in kei leh nang zong ahing chiel hi. Ami Israelte ana chiel masapen a, athu man lou ziehun gam chin a ana thethang tahzieh un mun leh muol neilou in lou ka nalei in hing pei thei lou ding kahi ana chi ua suonlam in ana neita uhi.

Anina a achi anamte hunkhie ding a hing peipa Judate in ana pom thei lou in, ana thuohlaw uhi. Judate mi kiletinsah nam kithupisah nam, minam dangte bangma simlou zieh in ei Gentailte uibang a

ang na koi uh ahi. Khovel pumpi a khut ua tawi in hun leh zawn thanguoia lam ah khawhsa lou zibuoi in abuoi ua, suonlam in ana nei uhi.

Athum veina ah asuohpa a sawl kia a, Bawng tal kana leita uhi hing peithe lou ding kahi zieh un hing na ngaisiem un achi kia uhi. Thuhunlui a Levi siempute gan shisan a akithoilou uleh pomlou, lahlou china ahi. Tuazieh a asiempute mi athoi ding chieng ua ama uleh ama uh kithoi masa zelzel ahi uhi. Kum khat a khatvei akithoi sih uleh pomlou thusimlou ahi uhi.

Eitepen ihampha ua, gan shisan zong ngaisese lou in nivei thumvei kithoi ngaisese lou in I Mangpa Jesu Khrist in Kros ah a sisan in ahing tankheta hi. Mangpa phat in umta hen. Tuazieh a siempute bawng buoi abuoi zieh un Jesu hatna peiman lou in suonlam in nei zelta uhi. Unaute tamna i gennuom uleh itahlat nuom pen uh, Pasian gam nasepna a, sep leh bawl a sil piehna lam leh Biehin kaina lam ah suonlam/paulam neilou ding in iki chiel uhi. Dachieng a Israelte, Judate

leh Siempute bang a kiletsah, kichapousah leh kithupisah a um kha ding uh azau huoi mama mai hi. Mou ihilam imanghil khah ding uh azau huoi mama mai hi. Mou toh gente ihi bou uhi, Mou kichi semlou/tonglou goulou china ahi hi, tuazieh a eite zong Mou pui guolvahna apang ding a i Mangpa Jesu Khrist in ahing chiel hi, tuaziehin suonlam/paulam ding suisui sih vaui unaute.

Khantanhoi Johan lam ah Jesu leh Samaria numeinu kihoulimna ah, Samaria Juda nam lien nam neu khenna ding aum sih hi ana chi bang in, kingaineu sihvai, kingainiem maimai sih vai Kros a asisan in ang gawm khawmta hi. Mangpa phat in um taken.

Luk 14:21 lam i et leh apupa athangpai mama ta zieha suohpa kungah, pei inlen khopi sung ningkawm lah a, mizongte mitto, elbaita leh kengbaite, migentheite, piengsuolte vahan inlen tanah hing puilut in, ka inn sung a awng nalai hi achi hi. Tuaziehin unaute nang leh kei ikhelinate, i kithupisah nate ivaihawm khiel nate, ikipilsahnate eima angsung

khuolna, mi bangma a ithusimlounate leh ilepchienate uh Mangpan hing na ngaidam a, ama moupui pawl sim ding a nang leh kei ang hat nahlai zieh in suonlam/paulap bangma suisui non lou in I Mangpa Jesu Khrist Moupi guol vah na mun zuon chiet dingin iki chiel uhi.

Mihing hina ah genkhiel genval, achingla, abukim zouloute Pasian min a hing na ngaidam dingin kahing ngen hi. I genkhah ahoi, apha zui thei ding aum leh sim khatu tengteng toh Mangpa'n i bawn un hing guolzawlta hen.

.....

KHOCHIN SUM SUNDAN LIST

(1st Nov. 2017 to March 2018 Sawm-a-khat pete)

- | | |
|--------------------|------------------|
| 1. Muallum | 23. Delhi |
| 2. Sugnu | 24. Kanaan Veng |
| 3. Tongdam | 25. Sabual |
| 4. Lailam Veng | 26. T. Zion |
| 5. LDCC Hiengzou | 27. V. Bethel |
| 6. Awnchinkap Khuo | 28. Khuainuoi |
| 7. P. Salem | 29. Mualtam |
| 8. Buhsau | 30. T. Munnuam |
| 9. Zoumun | 31. N. Khaukual |
| 10. L. Gangpimual | 32. PN. Khovong |
| 11. Aina | 33. Teisaljang |
| 12. Central Church | 34. Immanuel |
| 13. Belpuon | 35. Singngat |
| 14. M. Buongmun | 36. Zoukhonuum |
| 15. Zomi Zion | 37. M. Kholmual |
| 16. Saiboh | 38. Hiangtamjang |
| 17. D. Phailian | 39. Hiangtam (K) |
| 18. Behiangjang | 40. Mangjing |
| 19. Tuibuang | 41. Hiangdung |
| 20. T. Khajang | 42. Tangnuam |
| 21. T. Talnuam | 43. Hiangtam |
| 22. Zomi Colony | 44. Paspati |

- | | |
|--------------------|------------------|
| 45. Thingkangphai | 55. Zoumunnuam |
| 46. Suongkuang | 56. Daijang |
| 47. Chingmang khuo | 57. Imphal |
| 48. Lunjang | 58. Hiangmual |
| 49. Bangaluru | 59. P. Suohzahau |
| 50. Maukot | 60. Mawngken |
| 51. Moreh - II | 61. Tuining |
| 52. Tuilaphai | 62. Kuvan |
| 53. Tangpijol | 63. Chennai |
| 54. Nungshai | |
-

K A L O H S A M D E R U H

Ruth Messenger Mar-April 2016 issue apat.

“Simon in, Houtupa zankhuo in gimtah in kapang ua bangma ka man sih uh. Hinanleh na thu in leente kasep ding uh awle chiin a dawng hi (Luke 5:5). Ka neulai in Saikot taang ah theipi lou in ka kuon zel ua, nikhat ka lawmpa Vanmawitoh ka kuon uleh ka lawsam khop mai uhi. Ka peina lamlam uh mi’n ana vehsa/lohsa ngen ana ahizel a sakhaupi thep dildel a neukhat toh innlam kang pei uh pen azumhuoi khop mai. Zumseng in Mualvaiphei khuo tuon ngamlou in Saikot louzaulam zui in nisa nei ah lawsap zong nuom tuom din ka gingta sih. Peter leh a lawmten zankhuo leen ase vang un bangma mat a nei sih ua, inntun ding kilawp lou in chitun phiel ding uhi. Peter ngel zong a sungnu inn a um hileh kilawmlai hi. Ninhuoi dieh kholdin ka gingta hi. Paulap dingla um khollou dia hehuoi ding hi. Tenna ding inn dang bang sui leh kilawm! Lawsapna himhim a nungzuitu a um teitei hi. Khumpen beidongna, khohsahna, zumna leh kisiana chite ahi ut zel hi. Mi khenkhat ahileh lawsapna in tupguhna leh hangsanna atun zaw hi. Bang ah zong ihinna ah Jesu akigolkha zing a. I lawsap hun in zong Jesu atelkha veve. I muchien theilou man uh ahi. Tuabang a Peter leh alawmte buoitaha aumlai ua Mangpa Jesu ava peikhah hampaha hina maizen uh e! Jesu toh kituoh pen sil manpha mama ahi. Jesu toh ikituoh leh heimun pou ah zong um lei zong a nuom himhim hi. Jesu toh kituoh phatuompi lou aum khah leh zong mi tampi ahi khol sih ding. Pharisaite, laigiel mite, Juda Iskariot leh tangval hausapate kaan ahi uh kagingta sih. Lungkham lai a

ikituohpi ngel leh manpha in kipah huoi dieh sem hi. nang Jesu nakituohpi khatai mah...? Na hinna a sulamdang ei? Zakai leh Jesu ang kituoh/kimu hiel uleh ahinkhuo a kiheng lamdang zou vilvel hi. Mi duham, nehgu hat, nehgu zieh a hausa polam mitengteng in koina khat a anei uh a lungsim guh ua a mu peiloupa uh pen...! Singkung kal tengteng lah a kal fuh pen hilou ding ama..? Jeu mu utte bang hun in zong a thawn in a um sih uh chi a prove chieng khopmai ..! Hagau lam damna mai zong hilou in i sil dei leh suite muna zong ana hi. Nang na sil sui mu nailou nahileh kingaise mawh maisin. Tahsa leh lungsim a natna hagraulam natnate nei nahileh zong lungkham sin. Na bawl ding a hing hil mama ding hi. Ei lawi in Jesu hing china lam a leen sep lou in ei ut leh hoisahna lamlam ah ‘se’ i ching uhi. Khumban ah utdan dana leense iching kia uhi. Mahni khosah dingdan leh hindan ding ei utdan, ei deidan in isep zel ua, i om sung etkawl na nasep ah zong ei utna lamlam ah isep uhi. Hattuum sung toh kisai in zong ei hoisahna lamlam ah leen isep ilawching sih uhi. Mahni hoisahna leense mohmoh pen bang Pasian thu ipibawl in i thupi bawl mama na (vaihawmte 21:25) ah “Tam hunlai in Israelte laha kumpipa aum sih ua, michin amau utdan bangin agamta mai uhi” chi imu ua, tamnah Pasian thu imu bang chet uh idin mun uh hita! ‘Mangpa thu a len sep ding’ umlou in eima thu a leen sep leh eima hoisahna lamlam a lensep ihi sieng uhi. lei lalinei sih ua Pasian bei bangin ikingaisam ua, athu inla leen isep tuon sih uhi. Peter leh a lawmte ahina uh hing kipuonkhiet uh thupi hina mai e. Ei lawi hi in Jesun hing tuohkha tamaizen leh Jesun athuohlaw hiel va maw! ‘Selouna gam ka nei non sih uh’ chia vau malam in idawng nalai ding uh ka chi hi. A gal apat bang ahei Aman amuton ding? bang ina chi nailai ding uhi. Mi luhlul ihidan uleh imizie didhtah uh ina langsa dia “ka chi khu ka chi” china lungsim puo in Jesu ina dawng zatzat nalai ding uh. Ngaman sih ma vai maw ! Amauten (akhatna ah) gim mama hinapi’n Jesu kung ah hing kipuon in “Zan khovah in gimtahin leen kasep ua, bangma ka man sih uh” achi hi. (anina ah) “Mangpa na thu in leen kasep ding” tam haamkam pen ahoi in a thupi mama hi. “Nam vai hilou in” Tanau vai hituonlou in” pawlvai zong hituon lou in Pasian thu a leen se ahoi pen ahimai...! Pasian thu pen ahoi in hoi isahtho ua, athu zui lam pen isawm tuon sih uhi. Tami ahi ithuohla uh...! Koriam hoututen zong “Pasian thu zui dingin nahtahin ka zilsah uh” achi uhi. Eilawi ihileh Pasian thu kipahpi mai ding in” ikizilsah uh. Nang zong na innsung a dinga nasepna a ding, natate a ding leh sil dangdang a din theitawp suo in nakipei a, na gimseng mama hun aum ding.

Hinanleh bangma na semkhie tuon sih hilou maw? Gimna leh phunna mai na len se ah a awh hi. Bawlthei tengteng na bawl a, alampi dang um non tuonlou hiven “Ka vangse himhim hi” kichi in. “vangsie himhim dia bawl ka hi” bang kichi nalai in iphun be nalai uhi. Phun gige mai hilou in ka theitawp ka suo vangin, Mangpa ka lawsam! chizaw mai ve. Khum na chithei sih leh pen leenhawm maimai khaikhai pen sil zumhuoipi hive aw...! Leen hawm leh ngabawm hawm khaikhai pen agin angai ut mama a, Hattuum leh khotaang in athuohla mama hi. Eigam Hattuum toh kisai ka kihou khahna uah “Hattom a kipoimawsah leh phattuum ngaisah mama lah a Hattuum memberte un “Pension meng leh achi a apension kal a ngahla mama uh tampi um hi” chin Rev. Dr. Vanlalnghaka in hing hil...!

Ngabawm a puohding matlou sil zumhuoitah ahibanah amau leh amau akitheisih uleh khotaang leh hattuum adia mi ninhuoi leh dongkhol tah ahi ding uhi. Nang na ngabawm ah bang na puo ei le? Unau nga polou in thangsietna, angmasielna, khaatna, suhsiet utna, kihenna hagau, kituomhuoina hagau dimlet zen a nei a zauhuoi na e Lawsap kichipen anopna ding himhim aum sih! Tuaban ah Mangpa en in, “Hei lam nga ding” na hing chia? chi in Ama china lamlam thumang tahin sep mai in “Mangpa thu in leen sepsam in” tam pen lawchinna thuguh ahi. Eilawi bawl dante pen “Mangpa thu” hilou in “eima thu thu, “Committee thuthu” “ tanau lainate thu thu” chivel atamthei seng. Midem leh gensiet ichindan uh, mi sietna ding gen itamsah seng dan uh, eima chau hoi ikisah dan vel Mangpa min a pan ilah uh angaita. Na leenhawm khaigige pen mi’n ang mu gige uhi. Lawsam lah hingala thumang tuon lou pen gentheina mai ahi. Thumang dinga kingainiem khu silhoi bawl ahi. mangpa thu in, Mangpa thuma in lii thuh lam ah i leen uh isep uh aw. Leen pen iseptam ta uh! Leen sep a kuon zong itaima uh. Hinanleh zankhovah zen a eima hoisahna, eima utna lamlam a ise thop thop zieh un i lawsam zel uhi! I sena mun ngeima ah, I sedan ngaima in, khosa pawtzen a panla in leen isep tuntun ua! I ngabawm ah la puoh ding/kuo ding bangma inei sih uhi. Lii-thuuh lam a se poimawta hi. I tenna khovel ka en a, i hattuum sung ka et chiengin ka lungsim a sa a, puohgih tampi kanei zel hi. I gimpi mama ua, neh leh dawn lam ah la khanguol pha zoulou, asiem zilna lam ah la a khanguolte nuadel hizel. Ki thu tuohna lam chilei la gen ding umlou. I bang neh un hing suse zouta ahi diei maw! Pasian nai a Ama lam a kilekia eilawi adin a poimaw leh kuul hina va-ia e aw. Eima utna mai enlou in, eima pawlpi mai zong ensamlou

in. Committee thu mai a kingalou in. Mangpa thu/deidan a kalsuon in. Mangpa thu a leense poimaw hina mai zen e! Kimuontuona um dingin ka gingta a, igam uh zong ahing khankhiet ding ka gingta hi. Kum 2018 pen Mangpa thu mai a i leente uh li-thuh lama ise pat dinguh ahi.

Lawpsapna daaltu pen Mangpa ahi.

.....

ZPWF REVIVAL KHAWMPI 2018 BRIEF REPORT LEH KIPATHU GENNA

Mangpa Pasion mapuina zal in ZPWF in apeisa March 15-18, 2018 sung Tuivai District a um Presbyterian Church of India Behiangjang Hattuum te zintun natoh Revival Khawmpi zah ahia, Speaker Pu Rev. Tongminthang Director, Care & Concern Ministry (ECA) in Khawmpi Thupi “*I lampite uh suichien in enchien vaiin Mangpa lam ah kinuale kia va ui*” (Kalaate 3:40) tungton in Pasion thu genna anei a, tualeh Nu Vahkhohling in “*Numei pil pouma in a inn alam a, numei mo in ama khut mama in a inn aphelsia hi*”. (Thupilte 14:1) chi thupi pansan a Bible Study ang bawlsah ban ah, Nu Mankhanngai in PWF (PCI) Consultation topic “*kihen lamdangna dingin hangsan in*” chi thupi eiham a hing letkhie a, paper ang present ziehin zong ama ute tungah kipathu i gen uhi. Tuaban ah Synod lamkai Uliente, Pastorte, Upate, Semtute ban ah khawmpi ngaina a hing siim te leh Synod huongsung a numei ten i Khawmpi uh ngai poimaw tah a kal i suon nate zieh un palai mi 350 val a ki peikhawm a, i khawmpi lawching tah a i zahtheina uh tungah leh hing mapuitu i bieh Pasion kung ah kipathu i gen uhi. Tuaban ah ang zintun Behiangjang Hattuum LCC, PWF, PYF te, Bieltu Pastor leh panlatu zousie te tung ah zong Pasion min in kipathu i gen uhi.

Mangpa’n mimal chinte i thuzah leh ngaikhiette uh tungton in Khristian hinkhuo leh ZPWF maban i kalsuonna diing uah hing mapui zing ta hen.

Kipah ung,

Sd/- Nu Veineilam

Secretary

Zou Presbyterian Women Fellowship

ZPWF COLUMN

February 20, 2018 -to- March 26, 2018 tan a Tunnu Limbel Panpina pete

1. ZPCS Delhi Mimal GT		29. Pa Haupu Samte	Rs. 200
1. Luanhoinuam	Rs. 100	30. Nu Niangkhanvung	Rs. 100
2. Chindeikim	Rs. 500	31. Nu Huaineikim	Rs. 500
3. Tv. Khualpu	Rs. 50	32. Nu Deiniang	Rs. 50
4. Pa John Samte	Rs. 400	33. Lamniang	Rs. 100
5. P. Khakhai	Rs. 100	34. Luanzavung	Rs. 100
6. Elizabeth Zou	Rs. 100	35. Chinglianchiin	Rs. 1,000
7. Nh. Lily Chintonghoi	Rs. 1,000	36. Nu Hathoih Samte	Rs. 500
8. Ms. Dimhauniang	Rs. 1,000	37. P.T Khup	Rs. 150
9. Ms. Dimngaiching	Rs. 1,000	38. Pa Philip Thanglianmang	Rs. 4,000
10. Manlamching	Rs. 50	39. Hoiniang	Rs. 100
11. Letminthang Zou	Rs. 100	40. Nu Naomi Haumuanching	Rs. 1,000
12. Thangsuankap	Rs. 200	41. Ngaineikim	Rs. 1,000
13. S. Kakap	Rs. 500	42. Tv. Nangsianpiang	Rs. 100
14. Nu Luanhoikim	Rs. 150	43. Lamneihoi	Rs. 200
15. T. Ebenezer Thangzalian	Rs. 100	44. Pauchinhau	Rs. 500
16. James Ngamboi	Rs. 100	45. P. Manghauian	Rs. 100
17. Pa Nengkhanmang	Rs. 500	46. David Hausiangthou	Rs. 100
18. Nu Haumuankim	Rs. 30	47. Dr. Kamminthang	Rs. 2,000
19. P. Momoi	Rs. 100	48. Ph. Pauminlal Zou	Rs. 300
20. Pu Mangchinthang	Rs. 100	49. Thongzakhai	Rs. 500
21. Suanlal	Rs. 100	50. Nh. Suanching	Rs. 1,000
22. Nh. Hatnu	Rs. 200	51. Khamlianlal	Rs. 300
23. Nu Nuanuam	Rs. 500	52. Upa Lunminthang	Rs. 100
24. Nu Enniang	Rs. 100	53. Nu Olivia Tinkhoneng	Rs. 200
25. Jerry Nuamkhanchin	Rs. 100	54. Unknown	Rs. 150
26. S. Thangsuanmung	Rs. 500	** ZPCS Delhi Gift	Rs. 5,000
27. Ngaihoikim	Rs. 50	Total	Rs. 27,180
28. Jessy	Rs. 100		

PATRON MEMBER-TE

1. Upa Gouzamang	2. Pu Hav. Khamchinkhup	3. Pu Khamzalam	4. Pu Chinzasuan
5. (L) Upa Liansuanpau	6. Pu Khamchinthang	7. Pu S.Dalthang	8. Upa Kapkhanthang
9. Upa Langginmang	10. Upa S. Nangkhanlal	11. Pu S. Lamkhotang	12. Upa Dr. M. Lachinkhai
13. Upa Khamchinjam	14. (L) Upa D.K.Manlun	15. Upa Suankhanmang	16. (L) Upa Khupgou
17. Upa Chinkham	18. Upa Ngulchinkham	19. (L) Rev. V. Vungzalian	20. Rev. Retd. Kamkhosoi
21. Rev. Retd. Tualzachin	22. Rev. (Rtd.) H. Nengzaton	23. Rev. Awnkhankhup	24. Rev. Dr. Hangpi Manlun Zou
25. (L) Pu Tuanzapau	26. (L) Rev. Ginchinjam	27. (L) Rev. Khamzasuan	28. Upa T. Lamkhotawng
29. Upa Khaichinmang	30. Rev. Stephen Chinzathang	31. Pu Khupkhanmang	32. Pu Khaidohlian
33. (L) Hav. Khamzahang	34. Pi Vungzanuam	35. Pu T. Gouzadou	36. Upa Liensuonkap
37. Pi Zelkhochiin	38. Pi Hatkhanvung	39. (L) Pi Ngaihoiching	40. Pi Mankhannieng
41. Pu Goukhanmang	42. Pi Chingzalam	43. Pu S. Thianzakhai	44. Pi Kamkhanching
45. Pu Haukhanpau	46. Pu Tuallianmang	47. (L) Pu Dongkap	48. (L) Pi Chingkhanmang
49. Pi Donkhonian	50. Upa Henzakhup	51. (L) Pu Saichinpau	52. Pu Goumang
53. (L) Upa Khamkhanhang	54. Shie Laangkhanlal	55. Pu Khamkhanlun	56. Upa L. Tualkhanpau
57. Upa Jamsianmung	58. Upa Ginzadong	59. Pu Kaizathang	60. Pi Goizanuom
61. Pi Thangneivah	62. Pu Khamzathang	63. Pi Donchin	64. Upa Liankhanmang
65. Pu Hauchinlun	66. Pu T. S. Lal	67. Pi Goichiin	68. Pu T. Khupchinthang
69. Upa T. Kaizalam	70. Pu Paul Henkholal	71. (L) Pu Soikham	72. Rev. P.C. Manga
73. Rev. Khamchinkhai	74. Rev. Jamlianpau	75. Rev. Chinzapau	76. Rev. Retd. Kamkhozam
77. Upa (L) Chinpu	78. Pu Zamkhanthang	79. Pu Chinglen	80. Miss Chinhaunieng
81. Upa P. K. Soia	82. Pu Goukhai	83. Pi Niangkhanmang	84. Evan. Retd. G.L. Joshya
85. Pi S. Chingkhanmang	86. (L) Pu Vumchinkhup	87. Upa Khaihenthang	88. Upa T. C. Pau
89. Upa Nengchinkap	90. (L) Upa Jamkhongam	91. Upa HT Manga	92. Mrs. Vahkhohling
93. Pu Hauliankap	94. Pi Chinnu	95. (L) Upa Ngulzakhai	96. (L) Upa T. Gougin
97. Pu Ginsuanhau	98. Upa (L) Langminthang	99. (L) Rev. David K.Samte	100. Upa T.S.K. Samte
101. Upa S.K. Khama	102. Pu Jamkhopao	103. Pu Thathang Taithul	104. Pu Kamkhankap
105. Bhim Prasad Ghatani	106. Rev. M. Kapsuanthang	107. Nu Chingneikim	108. Rev. Khupkhansuan
109. Pi Mannuamching	110. Rev. Kaimuanlal	111. Upa Nengkhanlian	112. Nh. Deborah Zou
113. Pu T. Kuppaa	114. Rev. (L) Mangsuanthang	115. (L) Pu Lamchinhau	116. Upa Pauchinlel
117. Nu Kimneihei	118. Upa Kamgenpau	119. Nh. Niangsuannuam	120. Nu Ngaikhanvung
121. Pu P. Sanjiv Zou	122. Upa M. Kaichinkham	123. Upa T. Sianchinpau	124. Upa Sianzahau
125. Pu L. Thenkhosoi	126. Pu Kamsuanhang	127. Upa Th. Kaikholam	128. Upa Lunchinthang
129. Pu P. Tongthang Zou	130. H. Nehzamang	131. Pu Thangsuankhup	132. Upa M. Kamzadou
133. Pu Jamkholian Munluo	134. Pu Sianzakhai	135. Upa Thangginsuan	

LIFE MEMBER-TE

01. Upa (L) T. Khupkhenpau	02. (L) Pu M. Ginzahau	03. (L) Pu Selzapau
04. Pu L.C. Pautungnung	05. (L) Pi Khamkhannieng	06. Pi Ngainuom
07. Pu Chinsuanthang	08. Upa Shanti Kumar	09. Pu Kamkhohau
10. (L) Pu Khamkhohau	11. Upa Khamzathang	12. Upa Chinkhanthang
13. Pu Tongzathang	14. Pi Chiinneilam	15. Upa Kulthang
16. H/Sm. Upa Kaichinpau	17. Pi Niangzalam	

Undelivered

Please return to:

The Editor

KHRISTIAN TANGKOU

ZPCS Office, Zomi Colony

Churachandpur - 795 128

P.O. Box - 48, Manipur, India

Synod Office Telephone No. (03874) 235105

Website: zousynod.org | email: info@zousynod.org

zpcs@rediffmail.com/zousynod05@gmail.com

To,

Edited and Published by the Editor on behalf of the Zou Presbyterian Church Synod